

अ॒ह॒र्नो॑ अ॒द्य सु॒वि॒ते द॒धातु॑ । मू॒लं नक्ष॑त्रमि॒ति यद्व॑-
द॒न्ति । प॒रा॒चीं वा॒चा नि॒र्कृ॒तिं नु॒दामि॑ । शि॒वं पु॒जायै॑
शि॒वम॑स्तु म॒ह्यं । या दि॒व्या॒ आपः॑ प॒यसा॑ सम्ब॒भूवुः॑ । या
अ॒न्तरि॑क्ष उ॒तपा॒र्थि वी॒र्याः॑ । यासा॑म॒षाढा॑ अ॒नुय॑न्ति
का॒मं । ता न॒ आपः॑ श॒स्यो॒ना भ॑वन्तु । याश्च॑ कू॒प्पायाश्च॑
ना॒द्याः स॒मु॒द्रि॒याः । याश्च॑ वै॒श॒न्तीरु॒तप्रा॑स॒चीर्याः॑ ॥ ३ ॥

यासा॑म॒षाढा॑ म॒धु भ॑क्षयन्ति । ता न॒ आपः॑ श॒स्यो॒ना
भ॑वन्तु । तं नो॒ विश्वे॑ उ॒पशृ॑ण्वन्तु दे॒वाः । तद॑षाढा अ॒-
भि॒संय॑न्तु य॒ज्ञं । तन्नक्ष॑त्रं प्रथ॒तां प॒शुभ्यः॑ । कृ॒षिर्वृष्टि॑-
र्य॒ज॒मा॒नाय॑ कल्प॒तां । शु॒भ्राः क॒न्या यु॒वत॑यः सु॒पेश॑सः ।
क॒र्म॒कृतः॑ सु॒कृतो॑ वी॒र्या॒वतीः॑ । वि॒श्वान् दे॒वान् ह॒विषा॑
व॒र्द्धय॑न्तीः । अ॒षाढाः॑ का॒ममु॑प॒यान्तु॑ य॒ज्ञं ॥ ४ ॥

यस्मिन् ब्र॒ह्मा॒भ्यज॑यत् स॒र्वमे॒तत् । अ॒मुञ्च॑ लो॒कमि॑-
द॒मूच॑ स॒र्वं । तन्नो॑ नक्ष॑त्रमभि॒जिद्वि॒जित्य॑ । श्रि॒यं द॒धा-
त्वह॑णीय॒मानं॑ । उ॒भौ लो॒कौ ब्र॒ह्म॒णा संजि॑ते॒मौ । तन्नो॑
नक्ष॑त्रमभि॒जिद्वि॒चष्टां॑ । तस्मि॑न्व॒यं पृ॒त॒नाः संज॑येम । तं
नो॒ दे॒वा सो॒ अनु॑जानन्तु का॒मं । शृ॒ण्वन्ति॑ श्रो॒णाम॒मृत॑-
स्य गो॒पां । पु॒ण्याम॑स्या उ॒पशृ॑णोमि वा॒चं ॥ ५ ॥

म॒हो दे॒वीं वि॒ष्णुप॑त्नीम॒जूर्यां॑ । पु॒तीची॑मे॒नाः ह॒वि-